

مُشَاطِقَاتُ

محل مطبعه دارداره :

جفال اوغلنده امنيت

صندوغی جوارنده

شنگول يقوشنده

۲۵ نومرو

اضطار :

مسلكمزه موافق آثار

جدیه مع الممنونیه

قبول اولنور

درج ایدلمین آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، احوال و شئونه اسلامیه در بحث ایدره هفته ده بر نشر اولنور .

آبونه بدلی

صاحب ومؤسسلی :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرلهدن مقوا بورو ایله کوندریلیر سه سنوی

۲۰ غروش فضله آلنیر

۱۰ تموز ۳۲۴

سنه لکی	اتی آیلانی	غروش
۶۵	۳۵	۳۵
۶۰	۳۰	۳۰
۱۷	۹	۹

ممالک عثمانیه ایچون

روسیه

سائر ممالک اجنبیه

انکلیزلر مصرک پاره‌لری ، سنوی اون بش ملیون لیرایی نه درلو تـبـذیر و حکومتک مسـنـد و وظیفه‌لری نه کیفیت ایله اشغال و افساد ایلدکلری یاد و تشهیر ایله‌ن اجنبی‌لری بوندنبویله نفی ایله تهدید ایلور ، تهدیدینی ایقاعه مقتدر اولدیغی صوک حادثه‌ایله اثبات ایدیور . فرانسزلر ، جمهوریت حکومتی ایله افتخار ایدرلر ایکن جمهوریت آنلری تحجیل ایدیور ، کندی امرینه مالک بر حکومت اولدیغی تکذیب ایدیور ، و بووسیله ایله‌ده قاپیتولاسیون تسمیه ایتدکلری امتیازات اجنبیه اهمیتسز قالور !

عجبا « تان » غزته‌سی بو حادثه‌یه نه معنا ویر ؟
 کچلرده درساعات ایتالیا سفیرینک حادثه معلومه‌سی مناسبتیه نشر ایتدیکی فصول بارده‌یی اونوتدی ؟ زده شمدی او حماسه کاذبه ؟
 « La Dépêche Cgyptienne » غزته‌سی حالا قاهرده نشر اولنیور . موسیو ایلتین ریشه حضرتلرینک قلمی ایله تحریر اولنمده‌در ، و عینی مسلککنده دوام ایتکده‌در .

مشهور مثل مقتضاسنجه (اذانت مناسیدقام سید) غیور و منصف ذاتلر هر یرده و هر آنده موجوددرلر . انکلیزلر خدیو نامه پایه‌جقلری یاپسونلر ! فقط بلاد عربده نشر ایتدیکی دسائسه دولت علیه‌مزک و باخصوص حق پاشا حضرتلرینک وقایعه‌سی ارکانک انظار ثاقبه‌لری توجیه ایدرز .

مصرده اوروپالیر صوک حادثه مناسبتیه حکومتلرندن بشقه بر کفالت سیاسی و قانونیه دن بحث ایدیورلر . تجنس مسأله‌سی بساط بحثه وضع اولنشدر :

مصر لیر ایله اتفاق ایدوب اولاً بر مجلس نیایی حصوله کتیروب بعده مصر جنسیتی ایله تجنس ایتدیکی ترجیح ایله‌ن خیلوجه ، اوروپالیر رایلری غزته ستونلرنده صراحة اعلان ایتکده‌درلر .

موسیو البان دیروجا کچن جمعه کونی قاهرده دن اخشام اوزری اسکندریه طریقیله مرسیلییه واورادن پارسه عزیمت ایتشدر . قاهره استاسیوننده سکزیبک کشی ایله عظیم براحتفال ایله تودیع اولنشدر ؛ (یاشاسون موسیو دیروجا ! یاشاسون حریت ! یاشاسون مصر ، یاشاسون ناسیونالیستلر !) فریادلری سمایه چیقمشدر ، شمندوفرک اوغرادینی استاسیونلرده دخی موسیو دیروجا عینی هتاف ایله تودیع اولنشدر . بو کون جمعه کونی موسیو دارجیلا دخی مارسیلیا طریقیله وطنی اولان (بارسلون) ه کیدیور : بوذاتلرک جمله‌سی مصر لیرلرک صمیمی احبالرندن معدوددر .

البان دیروجانک بر بلیغ جمله پمأثوره‌سی ایله ختم کفتار ایلورم : « بن مصرده مصر لیرلر دوستی ایدم ، اوروپاده ایسه بوندنبویله بالذات مصرلی اوله جغمی سزله تأمین ایلرم »

...

بوسته‌نک وقتی یقین اولدیغندن بو قدر جتی ایله اکتفا ایلورم - ولنا عوده ان شاء الله .

« اسکندریه »

« امتزاج » مناسنی ویرمک ایسته‌ملرنده دخی ترده دوشولور ؛ و بو صورتله قوه تشریمیه و اجراییه‌مزک و بر قسم افکار عمومیه‌مزک « اتحاد عناصر » طلبنده اصابت ایده‌بیللمه‌لری ایچون ، بو ترکیه ، همه حال ، دیگر بر معنا بولوب ویرمه‌لری اقتضایدر . عجبا او معنانه‌در ؟ ..

آ . ی .

مکاتیب

مصرده قاپیتولاسیونلر

...

شرقه و باخصوص مصرده اجنبی امتیازلری یواش یواش اهمیتسز قالور ، کچلرده درساعات ایتالیا سفیرینک حادثه‌سی مناسبتیه « تان » غزته‌سی بو مسأله دن خیلوجه بحث ایدوب ، قاپیتولاسیونلر اقطار شرقیه‌ده الی ماشاء الله استمرار ایتسینک وجوبنه اشارت ایدیوردی . جریان احوال دن آکلاشیلدیغنه کوره ایش رنگاشیور : فرانسا ایله انکلیزانک منافع ماده‌لری تعارض ایتدیکه فرانسانک قوای عصیه‌سی انحلال ایدیور ، مشهور اولان حریت و حماستی بردن بره اونوتیور . مصرده بو حقیقتی تأیید ایده‌جک یکی بر حادثه ظهور ایتشدر « La Dépêche Cgyptine » نامی ایله عربجه فرانسیزجه ایله انتشار ایدن یومی غزته‌نک باش محرری موسیو « آلبان دیروجا » و مدیر مسئولی موسیو « جاک دارجیلا » بو هفته مصردن ایکسییده منفی اوله‌رق تبعید ایدلشدر . موسیو البان دیروجا فرانسیز تبعه‌سندن اولدیغندن جمله اجنبی ویرلی‌اهالی بو قرار دن دهشت عمیه‌ده قالمشدر . غزته‌نک مدیر مسئولی موسیو وادجیلا اسپانیا حکومتی تبعه‌سندن اولدیغندن مذکورک نفی حکومت متبوعه‌سنگ ضعفنه حمل اولنشدر . نفی حادثه‌سنگ سببی ایسه بروجه آتی اجمال اولنور : موسیو البان دیروجا - که « Agrégation » شهادت علیاسنه حاملدر - مصر خدیوینه قارش بررساله انتقادیه نشر ایدوب ذاتاً انکلیزلر بو محرر کبیرک آنلره دائماً توجیه ایتدیکی انتقادات حاده دن غیظناک و متأثر اولدقلرندن خدیوه موجه اولان انتقاد فرصتندن استفاده ایدرک بوراده انکلیترا معتمد سیاسی‌سی اولان (سیرغورست) لوندره خارجیه نظارتنه باتلغراف اشعار ایدر ، خارجیه نظارتی دخی پارس خارجیه‌سی ایله بالمخابره L'entente cordiale نامی ۱۹۰۴ ائتلافی مقتضاسنجه موسیو البان دیروجانک نفی و تبعیدینه قرار ویریلور . و بو قرار قاهرده فرانسانک قونسول جنرالنه بعد التبلیغ اجراءات رسمیه شتاب اولنور .

عینی معامله غزته‌نک مدیر مسئولی اسپانیای تبعه‌سندن اولان موسیو جاک دارجیلایه تطبیق اولنور . معلوم یالورد کرومیر مصرده ایکن اجنبیلرک امتیازلرینه خیلوجه تعدی ایتشدر ، امتیازات مذکوره ایسه اون درت دولت اجنبیه‌یه مربوط و متعلق اولدیغندن بونلرک جمله‌سنی اقناع ایده‌میش ایسه‌ده انکلیزانیه مایوس قالمشدر .